

PostNord počinje s dostavom svaki drugi dan.

Kako se društvo sve više digitalizira, tako su se i navike i potrebe Šveđana i Šveđanki također promijenile. S upola manje pisama koje trebamo dostaviti i sa sve više paketa, mi u PostNordu moramo se adaptirati ovom vremenu. Zato smo razvili održivije dostavljanje pošte, gdje pisma, novine i reklamne materijale distribuiramo svaki drugi radni dan. Uvođenje počinje u regiji jug 1. februara s poštanskim brojem koji počinje brojem 2, a zatim će ići korak po korak širom zemlje. Potom možete također koristiti svoj poštanski broj da pretražujete svoje datume za dostavu pisama na postnord.se. Ekspresne dostave i paketi se dostavljaju svakog radnog dana.

Ovo je dogovor za dostavu pisama svakog drugog dana:

Naši poštari obilaze različite rute ovisno o tome koji je dan. Tokom prve sedmice, područje 1 će se posjetiti ponedjeljkom, srijedom i petkom, dok će se područje 2 posjetiti utorkom i četvrtkom. Sljedeće sedmice, područje 1 i područje 2 će zamijeniti dane za dostavljanje. Tokom crvenih dana, raspored se pomjera, pa ako ste trebali primiti poštu na crveni dan, umjesto toga ćete primiti vašu poštu sljedeći radni dan.

